

錢塘縣志卷之五



錢塘縣知縣南樂魏源纂

公署

堂以聽政室以攸寧皆臣工宣德達情盡忠補過之所也錢雖一邑而大小公署自督撫而下凡二十餘官於茲者為保障弗為繭絲為甘棠弗為傳舍則小臣之廉皆仰大臣之法敢不勉與志公署

邑治

錢塘縣在府署右其舊治凡四一在靈隱山麓一在錢

錢塘縣志

卷之五

公署

一

湖門外皆漢魏時治也武德四年再徙錢塘門內三十步今教場地唐治也南渡後尋入景靈宮禁衛又徙紀家橋以華嚴寺故基為之宋時治也在國庠之

西南紹熙二年參政樓鑰為題名記

畧曰錢塘古都會繁華甲于東

南高宗南巡駐蹕于茲歷三朝五十餘年矣民物百倍于舊附郭二邑事體寢重他郡邑莫敢望紹興二十七年以錢塘仁和比開封府祥符兩赤縣中書擇材授任秩滿許以陞擢于是選任又重仁和乃錢塘之分故錢塘為尤重焉紹熙二年宋君玠始至與滯撥煩坐以無事首作孔子廟以崇儒風建狴獄以清囚繫又哀彙前任人名字將刻石以記縣既甚古蒐考史牒自宋元嘉劉道真至吳越羅隱凡得十八本朝張君房而下至今三十九人具載官師志歷元及明使後有考焉三十九人姓氏具載官師志

洪武四年知府劉文以附府署為便徙今處在城西  
南之豐寧坊前臨吳山右帶湖水清波門湖水自流  
福溝入宣化橋

國朝因之正治曰如保堂堂甬路曰戒石亭曰朝宗首縣

門曰儀門又東為正門如保堂北曰亦保堂為衙舍

堂東西為庫又東為典史廳華庚記曰錢塘尉承平  
時號入仙裕陵覽西湖

圖嘗有真仙尉之語則有真仙亭東坡帥杭率賓僚  
來遊則有英遊閣林和靖訪謝尉賦秋水芙蓉詩則  
有詠物樓陳後山與寄高遠形于篇詠願得終身為  
禦寇亦可想其盛也南渡後公宇弗存倚寄昭慶寺  
自駐蹕為行都錢塘為赤縣尉職始冗官府百需悉  
倚辦焉文書督趣旁午有叫呼於門吏縮頸潛遁尉  
惴惴救過不給奚暇營繕為哉嘉泰辛酉永嘉高君  
不倚實來環視官舍棟撓椽腐若將壓焉欲增葺願

### 錢塘縣誌

### 卷之五

公署

二

自謂身為親民官毫分未及田里不敢問越明年歲  
稔官閒乃謀工師乃度經費乃有請于郡邑雖上下  
一辭或相茲役然聚財時強力有未及又明年將瓜  
及曰是豈可累後人乃捐已俸并郡邑所助撤而新  
之廳堂舍廬室二十有一間堂曰擢桂曰平湖亭曰  
真仙軒曰清風今大叅許公為之隸古以扁其楣既  
成欲以先後蒞職姓氏刊諸石歲月遠者莫考獨張  
仲彥見於王隨放生碑許淳仁見于東坡奏議他不  
可復得乃斷自紹興二十四年而下得十有七人求  
記于余余以尉之官最卑有材未易展信足以孚乎  
下而道不能獲乎上雖有志奚其遂高君蒞官再數  
月以鎖廳登太常第雍容閑雅裁剴有餘題名小事  
倘職分所關有一未舉決不暇及今也易隘之居  
為高明在筆楚塵埃間文之以禮樂百廢具興一毫  
無擾亦可謂難矣余故樂為之書且以告後來者云  
後復傾頽寶慶元年冬尉余天任復新葺之袁肅為  
記其西為丞廨又西為簿廨今簿  
裁吏廨堂前東西為

六房分二十朝宗門外東為土地祠西為獄儀門外

東曰見賓館西曰申明亭旌善亭又西有輕監萬曆

三十三年令聶心湯以囹圄幽隘輕重溷處故特建

此以處矜疑者康熙五十三年六月廿三日大火

屬署有儒學在縣東南之芝松

西溪稅課局在縣西二十七里西溪市明洪武中建

安溪奉口稅課局在縣西北五十里古蕩明

河泊所在縣西北九里古蕩明洪武中建

浙江驛在縣南十里瀕江龍山間左明洪武

錢塘縣誌

卷之五

公署

三

龍山閘在縣南十里瀕江舊革 跨浦壩在縣東南

預備倉城北二畝觀音橋南舊

便民倉調露鄉北新橋

常平倉有四東倉在松盛二畝今貯布政司南米西倉

倉在下扇五 畝倉廢址存

總治

督府部院舊為總兵府 院東有雄鎮樓國朝康熙七年

建井榦彫甍坊二東威震東南西風清海甸

巡撫都察院在斯如三畝過江橋東明嘉靖二十四年

督胡宗憲重建添設諸司候廳官署  
熙五十二年正月初八日夜燬本年重建  
其北有鎮海樓吳越時為朝其東

有鎮東樓錢鏐平董昌為鎮海鎮東西軍節度使兼領兩浙此其遺意坊二東保

障江藩西澄清海甸

### 巡按察院

在馨如坊鳳山門北元時置江南行御史臺治江南三省之地歲遣監察御史二謂之守

省御史一在紀家橋之左西湖書院之西為守省察院之署名北察院後改為按察分司一為監燒昏鈔

御史之署名南察院即今處明嘉靖十九年巡按御

史王紳大加恢拓吏部右侍郎蘭谿唐龍為記國朝順治十八年奉裁康熙五十五年巡撫徐

建供

萬歲龍亭於上凡遇

朝賀節及拜進表箋恭迎

## 錢塘縣誌

### 卷之五

公署

四

詔旨之事率僚屬官

吏行禮於斯焉 木牌坊二東咫尺不違西會同有繹

### 巡鹽察院

在芝松二畝宗陽宮之東北傳法寺左明正統三年建弘治十四年監察御史方溢重修

浙江提學副使吳江趙寬為記嘉靖二十年監察御史唐臣燬傳法寺拓基重修刑部尚書蘭谿唐龍為

記 木牌坊二東曰教揚西曰貞肅已

### 浙江布政使司

在太平坊大街面蛾舂山舊志宋設安撫使于杭總州郡兵民之政南渡初杭

為行在所其權視他道為重改為秘書省元至元二十六年自揚州遷江淮行省于此并開元宮址廢之

改曰浙江等處行中書省總兩浙福建江西四道其權亦重于他省至正初燬三年丞相別兒怯不花復

講民地以拓其制翰林學士歐陽元為記十二年兵燬平章慶童重建明洪武元年置浙江等處行中書

省九年改今司署十五年割直隸嘉湖二府隸浙其領府十一州一縣七十五永樂十七年火宣德間左

布政使黃澤重建正德元年古布政使李贊又加  
飾禮部主事楊循吉為記嘉靖元年左參政顧  
紫薇樓于後堂陝西提學副使唐龍為記崇禎中  
樓後壘石為山構亭其上曰後樂山下有松化石節  
理宛然枯槁也左布政使靈外有木牌坊二東曰旬  
寶許贊右布政江鉉為銘

宣西曰屏翰舊

布政司分署有六

督糧道

在司南蛾眉山麓與布政司對後圯  
國朝康熙初年參議辰州劉昌言重建

杭嘉湖分守道

在鎮海樓南舊為巡視公署稱侍郎府  
元西天寺墓地 國朝初為會議府康

熙元年改  
水師公署

寧紹台道

在運司河下元行  
宣政院地今廢

錢塘縣誌

卷之五

公署

五

金衢嚴道

在清望街舊鎮守府後園初  
改清軍道後改金衢嚴道

溫處道

在新宮橋東割宗陽宮地建  
朝康熙三年火今為織造府分署 國

杭州府

在豐寧坊縣治東竹園山淨因寺基隋開皇九  
年建治于鳳凰山柳浦西唐因之永泰元年盧

幼平來為刺史李華撰廳壁記五代吳越錢氏即州  
治建國宋初納土復以其國為州治建炎三年改為  
臨安府紹興元年建行宮于鳳凰山遂徙今處歷元  
及明皆因之弘治十五年知府楊孟瑛以正堂門庫  
及獄屋皆就傾圯遂狀其事告于先後巡臺乃大加  
修治自為記嘉靖二十一年知府陳任賢重修親賢  
館兵部員外郎  
錢塘吳鼎為記 石牌坊二東曰親民西曰平政

杭州府正堂之東為清軍同知廳西北為管同水利通

判廳正堂之西為理刑推官廳

明萬曆中推官王蒞  
改碧蓮館為之在縣

治西 國朝康熙年  
奉裁今改為理藩廳

仁和縣治 在府治東與本縣治左右相向

杭州府儒學 在大平坊 陵家橋

仁和縣學 在府學西

聶心湯曰邑署上不郡署有藩署有撫按署皆得南

面臨我而我不得詣也故第紀地制與文闕焉臬署

在仁和疆例不得紀臨我者實典型我其不紀之則

闕典也其紀之則又端故紀最著者先朝紀名曰漢

都尉任延太守第五倫吳督護顧眾晉刺史陳項唐

錢塘縣誌

卷之五

公署

六

節度韓滉觀察李栖筠李德裕李景讓刺史宋璟李

泌白居易宋制置王淵韓世忠張俊安撫胡唐老轉

運陳堯佐張夏提點陳桷王珏劉燾胡隸孫子秀陳

瑁提舉顏師魯羅點郡守范旻張詠薛暎馬亮范仲

淹張方平梅摯胡宿祖無擇趙卞陳襄蘇頌蘇軾李

偃張闔呂頤浩張澄趙子浦李椿李芾紀翠仁督撫

則有夏元吉之治水甲冑之岸海胡宗憲之賦妻趙

嗣然之兵治張佳胤之定亂甘士价之循道孫汝直

指別有荆茂之定賦唐鳳儀之變俗張籍之折逆傅

鳳翔之清南湖龍尚鵬之創條鞭藩伯則有安然之  
隄江黃澤之停烈學大夏之推誠下寮何天衢之長  
揖大鎬劉節顧璘之學兩優朱裳之裹褐不備參  
藩則有黃勉之罷貢柳箱書器韓雍之黜貪理寬均  
循平市臬憲則有周新之決獄如神軒輓楊繼宗之  
一介不取朱欽之忤逆瑾李承勛之賑饑楊璫之築  
塘劉洪之編隸僧尼吳琳之清醮郭觀之嫉惡如仇  
韓邦奇劉唐之風裁學憲則有吳伯通之引拔國士  
趙寬劉瑞之惇行好古何塘盛端明之育才張悅之

錢塘縣志

卷之五

公署

七

去糊名而絕私請汪文盛之賞識神駿陸深薛應旂  
之正體斥浮林雲同林大春之拔材屠義英滕伯輪  
之興學貞範蘇濬之藻鑿明敏郡守則有王興福之  
輯和草昧楊孟瑛之濬復西湖梁材之平定糧額留  
志淑之裁折逆紹貴志德之罷傳省儉以化之奢  
已勤民張振之之真率不阿吳自新之信和威理郡  
佐則有馬偉之清葺岳基喻均之博學沙觀之廉幹  
段信之平允功著前朝不盡紀功不也功在近  
時不敢紀其人存也人逝矣有紀不紀其事恒也第

紀功著論定為邑世世典型者若此

寄治

織造府二

在太平坊旗纛廟之東西東為廨宅西較工

之半為署其三改溫處道分署為廨宅

工部分司

在芝松二首巡鹽察院一西改船司為之本

宋德壽宮後圯址明永中內臣掌海船

互市景泰四年乃建為署成化七年設關抽分木稅

兩浙鹽運使

在湧金門內太平坊宋轉運司治也錢氏

分浙東西為兩浙路轉運使于杭州置司轉運職本

錢塘縣誌

卷之五

公署

八

年開署于鳳凰山雙門內為南北兩衙徙今處元至

正十四年改為都轉運鹽使司明因之

五十年改為鹽驛道

分司四曰松江曰嘉興曰寧紹曰溫台領鹽課司三十

有六司外有樓

浙江都司

在布政司西昉于唐置江東防禦使主治兵

時以杭州刺史領之光化二年徙鎮海軍為

寧海軍宣和二年命守臣領浙西安撫使置安撫司

元了改宋之初置兩浙大都督府罷置浙江行省于

杭兼掌兵領各萬戶府明洪武三年置杭州衛都指

揮使司都指揮使徐司馬即其地

建德司外有木牌坊二東曰壯猶西曰為憲



杭州府前衛右衛

在鄣司左右相向明洪武初志

指揮使司改杭州衛為杭州前衛仍統五所前衛初名錢塘衛後易右衛又易今名

府屬稅課司

在太平坊明吳元年建于井亭橋底洪武三年燬八年建今處俗稱中務

江漲稅課分司

在城北隅一畝明吳元年建北門外洪武二十五年移此

城南稅課司

明吳元年建南上隅洪武五年移浙江亭之左在下隅二畝

黃冊庫

在府學左國朝康熙年有

勝安倉

在斯如坊總兵府右

武林驛

在芝松二畝明吳元年建武林門外洪武七年徙今處改元財賦都總官府為之國朝布政

使馬如龍謂驛館本皇華駐節之所今久廢傾圮不理乃改建為育嬰堂初育嬰始自南宋久廢弗舉章

錢塘縣誌

卷之五

公署

九

士旭者字念修一鄉之善士至是始為之倡卜築吳山之麓擇主者一二人置簿錄所棄兒及乳媪名數月朔望必躬詣其所名媪抱兒立堂下以次觀之寒者授以衣疾病者予之藥有死者為給棺殮又視兒所衣垢令浣濯之敝令為補紉而襄其事者武進士王之策贈中書姚士章然立心誠而任事久唯士旭歷四十年如一日也後布政馬如龍別建保赤堂于武林驛下有司取士旭育嬰法以為法仍請士旭董其事士旭以老辭然猶期望往視佐以私財物於是方伯卓煖以表之曰樂善不倦而錢塘邑令遲沂亦旌其門為博濟遺風其

織染局

在布政司後明末樂問建先是洪武二年嘗建局于斯如坊名舊局後廢併此署雖郡屬而實

織造御用袍服規制弘敞堂宇共百餘楹盡丹漆藻繪大都同內制歷年增建更有堂曰經綸蓋中官督程銷工處也總督尚書胡宗憲為記後積善橋復有新局隆慶中改尚書趙文華宅為之督織歲造十

道紀司

明洪武十五年  
建署佑聖觀

署餘

聚星公署

在虎林書院後明萬曆三十七年令聶心湯改建

留賓館

有四一在巡撫院左一在按院後一在布政司對一左縣治東運司河下

館舍

十七又  
公館三

縣北出武林門外由北郭總舖北抵武

縣界舖六曰北新舖板橋舖良犬舖宦塘舖奉口舖

洛濱舖西抵餘杭縣界舖三曰觀音舖蔣公舖老人

舖北新九舖為偏僻兵三十名每  
名銀七兩二錢遇閏加銀六錢縣南出鳳山門迤

錢塘縣誌

卷之五

公署

十

南曰南關駐節抵富陽界曰定南公館自布政司前

總舖出清波門南抵富陽界曰萬松公館

舊為舖年  
久傾圮萬

曆五年知縣吳自新重建  
為館規制整飾仍郵公文

舖六曰洋泮舖進龍舖范

村舖新砂舖淳橋舖社井舖自萬松公館東抵蕭山

縣界舖一曰浙江舖

萬松入舖為衝要兵四十二名  
每名銀九兩遇閏加七錢二分

論曰此傳舍也歟哉臨之以朝命寄之以民生俾而

視之有懸魚之梁有留犢之廐退而思之有繫轡之

庭有生塵之甌居此者勉思職守靖共爾位猶懼古

人之不若而可自暇逸乎往稽前哲誰多去後之思

待我後賢免貽覆餗之誚自令署以下皆切于錢塘  
者倘取後所傳名宦觀之可不負斯署矣